

四庫全書

集部

莫謂山村僻時聞詔令傳
寬民除宿負募士戍新邊
霜重瓦欲裂月明人少眠
殘年抱遺恨終媿祖生鞭

貧歎

老叟年年病書生世世貧
盜寧窺破橐雀亦棄空囷
屋壞須撐拄衣穿厭補紉
今朝風日美且復過比鄰

明日復作一首自解

霜寒衣絮薄日暮爨煙微
冀北馬空老遼東鶴幸歸
飄零舊交少衰疾壯心違
每顧兒童笑吾貧未解圍

欽定四庫全書

劔南詩藁卷六十九

宋 陸游 撰

初冬步至東村

八月風吹粳稻香九月蕎熟天始霜男耕女鋤常滿野
宿麥覆塊皆蒼蒼豐年比屋喜迎客花底何曾酒杯連
家人但覓浩歌聲不在東阡在南陌

南門散策

結宇溪一曲兩山左右之橫木以為門斷竹作短籬本
無剝啄客門壯固不施甃路壞莫補石罅生棘茨野蔓
不知名丹實何累累村童摘不訶吾亦愛吾兒

又

槐楸陰最茂秋晚惟空枝今日晴無風散步失其宜右
扶青溪杖左挾斜川詩石琢四腰鼓可以休我疲清言
出正始不雜世論卑野僧何處來成此一段奇

思北鄰韓三翁西鄰因菴主南鄰章老秀才

韓翁生不識官府半醉長歌老煙浦因師老乃學長齋
白飯青蔬自炊煮二君要是可喜人未嘗一語欺其鄰
有過無過姑置之後生孰能如此真

又

鄉閭耆宿非復前老章病死今三年朝來出門為太息
不見此翁催社錢我比翁雖差識字向來推擇嘗為吏
事功自計無一毫尚不如翁終日醉

二毀

茶杯得之久石硯日在前一朝忽墜地質毀不復全附
著以膠漆入用更可憐杯酒奉飲歆硯不廢磨研向使
遂破碎亦當歸之天動心則不可此物何足捐

大風不能出戶

昨日欲出病見留今日可出風復作室虛窗白爐火暖
閉戶幸有圖書樂一杯淡粥飽則已下箸豈復思藜藿
山禽念我太寂寥故作叩門聲剥啄

晚菊

蒲柳如懦夫望秋已凋黃菊花如志士過時有餘香
言東籬下數株弄秋光粲粲滋夕露英英傲晨霜高
人寄幽情采以泛酒觴投分真耐久歲晚歸枕囊

舍南雜興

浙浙暮風生暉暉殘月明開門喜閒望扶杖得徐行
霜薄樹多綠泉流溝有聲兒童殊可念畫地作棋枰

又

莎徑依山曲柴扉並水開不因行藥出即為覓詩來
戒

婢挑蔬甲催兒斲芋魁隨宜也能飽漂母未須哀

又

麻菽連枝熟柴荆盡日關臨池鷺鷥起倚柱待雲還倦

醵石腰鼓行攜銅博山老人無定意所到即開顏

石工琢石

作杖鼓
樣以坐

自詒

足蹇須人慣顏衰著屨多飯遲惟靜臥酒至亦高歌蝗
死繁蔬甲霜清長藥窠經旬鄰父病且喜復來過

又

莫笑幽棲僻謀生亦未疎殘困具薄粥半俸補殘書均
節貧無患安恬疾可除雖云苦寒近隨手蓄薪樗

風霜

天上風霜慘人間日月遒江湖南北雁原野雨晴鳩莽
蒼新阡陌凋零舊輩流惟應赤藤杖伴我送悠悠

十月

紅樹平沙十月天放翁今作水中仙
蓼蓼林外迎神鼓

隻隻溪頭下釣船
世事極知吾有命
俗人終與汝無緣
菊花枯盡香猶在
又付東籬一醉眠

記夢

久住人間豈自期
斷砧殘角助淒悲
征行忽入夜來夢
意氣尚如年少時
絕塞但驚天似水
流年不記鬢成絲
此身死去詩猶在
未必無人覩見知

幽興

池水車初滿
荆籬補已成
身閒詩簡淡
心靜夢和平
雁

後寒鴉至楓先柏葉頽居然足幽興未歎歲崢嶸

夜聞雨聲

我似騎驢孟浩然帽邊隨意領山川忽聞風雨掠窗外
便覺江湖在眼前路過郵亭知幾處身如估客不論年
未妨賸擁寒衾臥羸取孤吟入斷編

訪山家

捨舟步上若耶溪壽櫟修藤路欲迷僧院倚山馴栗鼠
野塘漲水下茭雞草侵古路迢迢遠雲傍行人故故低

薄暮但尋遺義去山家正在鶴巢西

自法雲回過魯墟故居

枳籬數掩閉柴扉白碓聲中煙火微
雪暗杜陵無雁下雲迷遼海有人歸
耕疇且復償初願官路那知脫駭機
更有冬來歡喜事芋魁豆兩不勝肥

旅舍

寺鐘吹動四山昏繫纜來投江上村
木落不妨生意足水歸猶有漲痕存
爐紅手暖書差健鼎沸湯深酒易溫

勿為無年憂冠竊狺狺小犬護籬門

書几試筆

鬢毛蕭颯齒牙疎九十侵尋八十餘屋小苦寒猶省火

窗明新霽倍添書解梁已報偏師入上谷方看大盜除

藥笈著囊幸無恙蓮峰吾亦葺吾廬

偶見報西師復闢中郡縣昔予常有

卜居條華
意因及之

道室偶書

置身常在結繩前縱未登仙亦永年秦不及期周過歷

灼然由我不由天

觀渡江諸人詩

中朝文有漢唐風南渡詩人尚數公正使詞源有深淺
病懷羈思亦相同

村居閑甚戲作

人厭塵囂欲學仙上天官府更紛然不如嘯傲東籬下
且作人間過數年

又

題詩本是閒中趣却為吟哦占却閒我欲從今焚筆硯
興來隨分看青山

夜投山家

鷲溝上阪到山家牧豎磨門兩髻了葑火正紅煨芋熟
豈知新貴築堤沙

又

夜行山步鼓鼙鼙小市優場炬火紅喚起少年巴蜀夢
宕渠山寺看蠶叢

又

生草茨廬荆作扉數家煙火自相依大兒飼犢舍邊去
小兒捕魚溪口歸

又

房櫳深深績火明垣屋蕭蕭礮穀聲作官覓飽最繆算
羨爾為農過一生

聞西師復華州

西師驛上破番書郭杜真成可卜居細肋臥沙非望及

且炊黍飯食河魚

又

青銅三百飲旗亭關路騎驢半醉醒雙鷺斜飛敷水綠
孤雲橫度華山青

舟中

捩拖柯橋北維舟草市西月添霜氣峭天帶斗杓低
浦凍無魚躍林深有鶴棲不嫌村酒惡也復醉如泥

得趙昌甫寄子及子通詩

去國雙蓬鬢還山一鹿車壯慙稽古淺老悔養生疎俗
態慵開眼高吟獨起予青燈對余子併為問何如

飯後登東山

飯已茶未成褰裳步山徑雖云筋力衰拄杖猶濟勝天
高樓塔麗霜落溝港淨豈惟野實丹已覺林筍迸井桐
亦強項葉脫枝愈勁啼鳥久不去將無助幽興盤紆穿
翠谷欹仄下危磴所嗟無客來誰與持麈柄

東村

今日風日和衰病亦稍平出門無所之攜幼東村行吳
地冬未冰濺濺溝水聲山卉與野蔓結實丹漆并雞犬
亦蕭散如有世外情舉手叩柴扉病叟喜出迎從我語
蟬聯未寒疇昔盟解囊付之藥與爾偕長生

石堰村

木落山不蔽水縮洲自獻寒日晚更明村巷曲折見小
婦鳴機杼童子陳筆硯農家雖貧苦終勝異鄉縣君看
宦遊子豈無墳墓戀生死在故鄉切勿慕乘傳

袖手

袖手地爐傍身閒日自長
窗明蠹簡字簾約篆盤香
道士傳琴譜山僧送藥方
自然塵事遠不用濯滄浪

幽居遣懷

大患元因有此身正須枵腹對空囷
扶持接客寧嗟老質貸迎醫未厭貧
碓下罕遺雞犬粒席間不掃鼠行塵
時時笑顧兒曹說縱有煙霄莫問津

又

斜陽孤影歎伶仃
橫樓烏藤坐草亭
閒久更知貧有味
病多那責藥無靈
農書甚欲從師授
忍字常須作座銘
更喜友生能餉酒
欣然一醉倒長瓶

東陽郭希呂
餉石洞酒

又

習氣深知要掃除
時時褊忿獨何歟
呼童不應自生火
待飯未來還讀書
世態詎堪閒處看
俗人自與我曹疎
作詩未必能傳後
要是幽懷得小攄

湖上晚歸

蓬山再別四經秋來日翩翩去日道無酒可傾殊省事
有詩渾忘亦良籌梅花遮路如撩客櫺葉飄風已滿溝
湖上榜舟歸薄暮斜陽紅入寺家樓

宿村舍

驢瘦童僵小作程村翁也復解逢迎霜林已熟橙相餽
雪窖初開芋可羹土榻圍爐豆稻暖荻簾當戶布機鳴
解囊自取殘編讀何處人間無短檠

村飲

雪前雪後梅初動
街北街南酒易賒
身健不妨隨處醉
有家未必勝無家

又

醉插江梅老更宜
猶能卜樹揀繁枝
假令住世十小劫
應愛此花無厭時

食野味包子戲作

珍餉貧居少寒雲
萬里寬疊雙初中
鵲牢九已登盤
放箸摩便腹呼童
破小團猶勝瀼西
老菜把仰園官

醉中作

名醞羔兒拆密封香粳玉粒出新春披綿珍羞經旬熟
斫雪雙螯洗手供吟罷欲沈江渚月夢回初動寺樓鐘
爐煙裊裊衣篝暖未覺家風是老農

感老

人生六十已為衰況我頽齡及耄期對酒尚如年少日
愛書不減布衣時遠遊每動辭家興大藥方從出世師
但向青編觀曩事英雄何代不兒嬉

寺壁偶題

斷山支徑得行吟，度磴穿林不厭深。
雉挾兩鳴飛谷口，鳥將數子下牆陰。
前三喜接高人語，方寸寧容俗慮侵。
少待新春好風日，不妨攜客更相尋。

贈道流

羽人邂逅飲旗亭，自說經年醉不醒。
曾伴翰林遊赤壁，仍邀內史寫黃庭。
古琴蛇蚺評無價，寶劍魚腸託有靈。
太華何時尋此約，九霄風露宿青冥。

冬夕閒詠

柳眼梅鬚漏泄春江南又見物華新終年幽興遺身世
半夜孤吟愴鬼神客有疎親俱握手酒無賢聖總濡脣
放翁自命君無笑家世從來是散人

飯後自嘲

歲熟家彌困天寒酒闕傾僅能炊稻飯敢望糝藜羹一
榻解腰臥四廊摩腹行詩人要疎瘦此日媿膨脝

感舊

憶昔初乘上峽船雪灘雲岫過聯翩忽忽不暇尋高隱

遺恨于今四十年

扇子峽
有隱士

又

雕鞍送客雙流驛銀燭看花萬里橋三十三年真一夢

茅簷寒雨夜蕭蕭

村老留飲

乘興出遊眺初不言所之家人固難求我亦不自知投
杖却人扶疾步莫能追荒寒野廟墻枯涸漚管池過門

爭邀留具食不容辭濁醪小瓮釀香飯別甑炊瓦盆進
豚肩石臼擣花糝新冬不易見醉倒理亦宜舉手謝主
人外強中實衰一觴可以起他日更為期

醉歌

草書大叫寫成圖博塞隨聲喝作盧何似即今雲海上
千鈞強弩射天吳

又

百騎河灘獵盛秋至今血漬短貂裘誰知老臥江湖上

猶枕當年虎髀

力耕

力耕歲有一困米殘俸月無三萬錢莫怪窮空心不動

正緣愚拙氣差全學經疊疊懸車後秉禮拳拳易簣前

猶恨未能忘筆硯小兒收拾又成編

子適編予詩續索成四十八卷卷有

百篇

春近

開禧忽見第三春身寄楓林野水濱吾道幸逢天道在

物華又與歲華新
郊原處處堪行樂
道路人人可問津
剗辦青鞋并布襪
若耶已報綠生鱗

夜坐聞鼓聲

村居樂飲鼓鼕鼕
亭障無虞歲屢豐
誰道喧呼妨熟睡
老人自愛地爐紅

小室

地褊焚香室窗昏釀雪天
爛炊二餠飯側枕一肱眠
身似嬰兒日家如太古
年狸奴不執鼠同我愛青氊

老景

老死知無日天公偶見寬疾行逾百步健啖每三食身
瘦短裁褐髮稀低作冠年來更小點不據伏波鞍

夜坐

地僻少行跡屋低便老人爐紅得清坐酒綠慰孤斟吠
犬驚飄葉栖禽換暗林人間固多難感槩不須深

晨起

小疾蠲除盡閒愁墜闕空時光雞唱裏生計碓聲中戒

婢儲猿果看奴織鶴籠老人新得道處處見神通

貧述

寒生肌栗苦衣單瘦減頭圍覺帽寬
荒寂在家猶逆旅窮空養老亦蔬餐
柴青竈突騰煙細膏盡燈缸照字難
猶喜新醕三斗熟半窗梅影助清歡

自述

勃落為衣隱薜蘿掃空塵抱養天和
過期未死更强健與世不諧猶嘯歌
野市蕭條殘葉滿酒家零落廢壚多

石帆山下孤舟雨，借問君如此老何。

十一月廿七日夜分披衣起坐，神光自兩眥出，若

初日室中皆明作詩志之

靈府無思踵息微，神光出眥射窗扉。
大冠長劔竟何有，尺宅寸園今始歸。
憂思過前皆夢事，功名自古與心違。
三峰二室煙塵靜，要試霜天櫛葉衣。

歲暮遣興

昔慕騷人賦，遠遊放懷蜀。
棧楚山秋橘，中尚可著四老。

海外誰云無九州薄酒時須澆舌本閒愁莫遣上眉頭
幅巾短褐吾差便實厭衣冠裏沐猴

又

病著愁侵併不支孤村況遇歲殘時水軒客散成舒嘯
山寺僧來得劇棋銅鴨香生風嫋嫋竹雞聲斷雨絲絲
新詩煅煉功何似問著衰翁自不知

道室即事

看盡吳山看蜀山歸來不減舊朱顏宣和遺老凋零盡

況說祥符景德間

又

松根茯苓味絕珍
甌中枸杞香動人
勸君下筇不領略
終作邛山一窖塵

又

徧遊海嶽却歸秦
除却南山萬事新
長劒高車何足道
金人十二也成塵

又

黃金堆屋無處用
甲第連雲誰與居
莫笑先生無僕馬
風雷萬里跨鯨魚

泛舟過金家埂贈賣薪王翁

水生浦溆多浮鴨
風急汀洲有斷鴻
渺渺江天無限景
一時分付與樵翁

又

老人不復事農桑
點數雞豚亦未忘
洗脚上牀真一快
稚孫漸長解燒湯

又

賣薪自可了鹽酪治地何妨哉果蔬我老鈍頑請

平半

俸比渠只有不能如

又

輒炊豆飯可支日厚絮布襦聊過冬間巷家家歌聖澤
子孫世世業春農

冬晴

歲暮常年雪正豪今年暄暖減綈袍春回山圃梅爭發

睡足茅檐日已高
倉庾家家儲舊穀
笙歌店店賣新醪
太平氣象方如許
寄語殘兵早遁逃

寄隱士

乳竇寒猶滴巖扉夜不扃
奇書窺鳥跡靈藥得人形
浩天風積冥冥海氣清
儻逢王內史更為乞黃庭

幽事

老大常愁節物催
東皇又挽斗杓回
江天慘慘不成雪
山驛蕭蕭初見梅
隱士寄雲從地肺
遊僧問路上天台

戲書幽事無時闕古錦詩囊莫莫開

去新春纔旬餘霽色可愛

宦遊強半侍僊祠況是懸車耄及時厚薄人情窮易見
陰晴天氣病先知綠樽一醉真當勉白髮千莖莫自疑
野渡山村梅柳動身閒何處不熙熙

作雪遇大風遂晴

雪作風散之雪止風亦定霽日上窗扉明暖起我病去
春財十日共喜時序正晨興盥頰罷白髮滿清鏡門前

無客至默臥弄麈柄叢竹如有情代我發孤詠

冬夜

我生何多艱塌地皆九折君恩許歸休幸與世俗絕幽
居鄰不覲奚止掃車轍地爐清夜中危坐燈欲滅開門
月滿庭皓皓如積雪隔溪聞鶴鳴靈府為澄澈

書意

飲酒以散愁服藥以去病區區賴外物豈足語性命清
晨坐堂上萬事一袖手愁病初無根孰謂藥與酒掀髯

笑嵇阮舉袂謝和緩氣住則神住時至骨自換

又

解牛悟養生牧羊知治民通一萬事畢我每思古人小
園財三畝手自藝嘉木先當培其根又戒無欲速老松
臥澗底千歲陵冰霜我豈樗櫟哉但取無伐傷

又

唐堯授人時妙用均造化我讀七月詩周室亦其亞彼
用治四海我歛之一身至理之所在太山等微塵鍊氣

以成真豈復有他術譬如尊六經百氏當盡黜

山房

擾擾人間歲月移山房幾度換茅茨身遊與世相忘地
詩到令人不愛時老鶴初來未丹頂穉松親種已虬枝
東塗西抹非無意皺面朱鉛太不宜

即事

老來百事似嬰兒美睡甘餐只自知陋屋略如營窟世
淳風不減結繩時

又

鴻冥固自辭
增繳樗散猶能謝斧斤
況是深山幽絕地
有人高臥百重雲

又

閒行靜坐樂誰知
紅飯青蔬美有餘
常笑癡人不更事
時時愁歎欲何須

又

有人叩戶皆吾友
得屋施牀即我家
緩步東西行飯耳

元非看竹探梅花

又

了事如何省事奇無心始覺有心癡三更急雨打窗破
正是擁爐危坐時

又

高人驚駭放柳枝豪士駿馬換蛾眉人間解事誰如我
小蹇山童自謂宜

戍兵有新婚之明日遂行者予聞而悲之為作絕

句

送女忽忽不擇日綵繞羊身花照席莫婚晨別已可悲

猶勝空房未相識

俗有夫出未返而納婦謂之空婦房

又

夜靜孤村聞笛聲溪頭月落欲三更不須吹徹陽關曲
中有征人萬里情

夢中作

野鶴翩躚啄粒微碧桃縹緲著花稀海山又見春風到

丹竈苔封人未歸

啜茶示兒輩

圍坐團藥且勿譁飯餘共舉此甌茶麤知道義死無憾
已迫耄期生有涯小圃花光還滿眼高城漏鼓不停撾
閒人一笑真當勉小榼何妨問酒家

雨中示鄰里

寒風吹細雨白晝見日罕經旬廢讀書天豈成我嬾比
鄰各無聊會面苦不款未嘗燒茶鐺而况把酒盃高談

極奇趣散去意亦滿癡點未易名要是工用短

記出遊所見

我行初無折簡招出門十里未覺遙
憩裝蕭蕭北崦寺
策蹇渺渺西村橋
眉頭那可遣愁到舌本正要著酒澆
寒風朝作入裘褐
荒祠暮過奠桂椒
平郊煙歛見聚落
細路日落逢漁樵
安得丹青王右轄
為寫此段傳生綃
立春前七日聞有預作春盤邀客者戲作

蓼芽蔬甲簇青紅
盤筋紛紛笑語中
一餅不分空恨望

暮年知有幾春風

春前六日作

夜枕夢回春雨聲
曉窗日出春鳥鳴
典衣沽酒莫辭醉
自有梅花為解醒



劍南詩橐卷六十九

欽定四庫全書

集部

劔南詩稿卷

七十
七十一

詳校官庶吉士

臣陳若霖

主事

臣

呂雲棟覆勘

總校官檢討

臣

何思鈞

校對官修撰

臣

戴衢亨

謄錄監生

臣

楊浚明

欽定四庫全書

劔南詩藁卷七十

宋 陸游 撰

立春後作

春不遺窮僻天如念寂寥
鳥鳴知節換池溜覺冰消
冷飈供新瘳輕裘換故貂
豐年無疾苦鄰曲遞相招

舟中

江天雲斷漏斜暉
靡迤羣山翠作圍
帆影似經吳赤壁

舫聲如下蜀青衣臥聞裂水長魚出起看凌風健鶻飛
禹會橋邊最清絕憶曾深夜叩漁扉

小園春思

小軒愁入丁香結幽徑春生豈寇梢若論此時吟思苦
縱磨鐵硯也成凹

又

重臺緩艸初離土百葉綳梅已滿枝莫道山家殺風景
也能醉倒向東籬

東籬子
小園名

禹祠

祠宇嵯峨接寶坊，扁舟又繫畫橋傍。
旂常滿筵絲紫，蜜漬堆盤粉餌香。
團扇賣時春漸晚，夾衣換後日初長。
故人零落今何在，空弔頽垣墨數行。

今年開歲三日上元三夕立春人日皆大晴

今歲晴和歷歲無，江城歌舞溢衢衢。
天心只向人心卜，不用慇懃問紫姑。

題野人壁

身如魚鳥出池籠常在陂湖艸莽中簫鼓相聞村社密
桑麻無際歲時豐市墟買酒何人識僧閣煎茶欠客同
久欲瀟湘寄清嘯它年一棹莫匆匆

小市

春風小市畫橋橫橋北橋南次第行絕景惟詩號勍敵
閒愁賴酒作長城樓臺到處靈和柳簾幙誰家子晉笙
薄暮歸來漁火鬧放翁自笑欲忘情

柳

春來無處不春風
偏在湖橋柳色中
看得淺黃成嫩綠
始知造物有全功

見事

流光莫恨去聯翩
見事還疑勝昔年
細改新詩須枕上
少留劇飲待花前
陰陰竹塢安茶竈
淺淺蘋汀著釣船
物外家風吾豈散
人名號亦充員

夜雨

江邊依舊釣舟橫
萬事何曾有一成
空憶廬山風雨夜

自吹小竈煮蔓菁

自詒

一廬東近會稽城鑿破煙蕪俛俛耕
上藥養神非近効
善言銘座要躬行論書尚欲心先正
學道寧容氣不平
天付吾儕元自足滿園春薺又堪烹

初春幽居

滿榼芳醪手自攜
陂湖南北埭東西
茂林處處見松鼠
幽圃時時聞竹雞
零落斷雲斜郭日
霏微過雨未成泥

老民不預人間事但喜農疇漸可犁

又

小築園林淺鑿池身閒隨事得遊嬉幽花折得露猶溼
嘉木移來根不知小蝶弄晴飛不去珍禽喜靜語多時
風光未忍輕拋擲聊付詩囊與酒卮

自勉

學詩當學陶學書當學顏正復不能到趣鄉已可觀養
氣要使完處身要使端勿謂在屋漏人見汝肺肝節義

實大開忠孝後代看汝雖老將死更勉未死間

春遊

梅市移舟過古城此行亦未闕逢迎負薪野老無妻子
施藥山人隱姓名風雨偏宜宿茅店鹽醢不遣到藜羹
宣和版籍今誰在似是天教樂太平

晝坐

早春風雨暗江干羔酒狐裘不敵寒輸與蒲龕深袖手
一爐真火養金丹

正月十六日送子虛至梅市歸舟示子通

策府還山白盡頭一塵隨分葺菟裘
看燈雖幸新春健無食猶懷卒歲憂
稚子與翁俱襁褓大兒出塞習兜鍪
它時別作謀生計賣藥惟當學伯休

聞百舌

春鳥雖僂言春盡能嚙舌秋蚓與寒蟄亦各知時節
微物顧能此人乃獨不然君看甘陵黨作孽非由天

畜一雞報曉聲清圓而鳴每晚戲書絕句

雞鳴平旦未為遲恰是山房睡覺時著屐起尋溪上路
野梅猶有未殘枝

書村落間事

東巷南巷新月明南村北村戲鼓聲家家輸賦及時足
耕有讓畔桑無爭一村婚娉皆鄰里婦姑孝慈均母子
兒從城中懷肉歸婦滌鐺釜供刀匕再拜進酒壽老人
慈顏一笑溫如春太平無象今有象窮虜何地生煙塵

行歌

孤村小市負薪歌造物其如此老何靈藥已能驅疾豎
醇醪不用戰悲魔

開歲頗思江湖遊適

健筆當年賦遠遊卽今局促但堪羞雖為月下孤舟客
未醉天涯七澤秋丹熟竟當金換骨客來從笑雪蒙頭
龍泉本約同歸隱肯為春耕欲換牛

憶昨

入蜀還吳迹已陳蘭亭道上又逢春諸君試取吾詩看

何異前身與後身

又

當年落魄錦江邊
物外常多宿世緣
先主廟中逢市隱

丈人觀裏識巢僊

蓬道人賣藥成都市
中巢僊謂上官先生

又

萬里曾為汗漫遊
豈知白首弄漁舟
會騎一鶴凌風去
何處人間無酒樓

排悶

抱來返東臯初非憚作勞飢寒凜未免老病適相遭開
卷無如嬾飛觥豈復豪不辭窮到死猶足竊名高

識喜

齒搖徐自定髮脫却重生意適簪花舞身輕捨杖行僧
招決棋戰客讓主詩盟尚欲瀟湘去煙帆不計程

枕上作

謝事還家一老農悠然高臥聽晨舂雖無客共樽中酒
何至僧鳴飯後鐘采若未能浮楚澤思鱸猶欲釣吳淞

自餘萬事慵開眼知結宗門案幾重

近村

去去柴車十里中竹林密處路纔通
漸聞水磴知村近遙望禾囷喜歲豐
漁艇往來春浪碧人家高下夕陽紅
百錢又向旗亭醉自笑吾生亦未窮

讀史

人間著腳盡危機睡覺方知夢境非
莫怪富春江上客一生不厭釣漁磯

又

榮悴紛紛醉夢中
轉頭何事不成空
全家采藥鹿門去
我憶襄陽龐德公

羸臥

羸臥將如老景何
小園風月且婆娑
茶因春困論交密
酒為家貧作態多
馬上元無聽雞句
原頭那有飯牛歌
自憐遠屏猶多事
賣藥歸來買釣蓑

春感

老厭紛紛嬾入城長亭小市近清明隴頭下漏初芸艸
陌上吹簫正賣餠多病更知生是贅九原那恨死無名
但餘一事猶闕念萬里唐安闕寄聲

張季長久不通書
或傳其臥病甚耿

耿也

八十三吟

石帆山下白頭人八十三回見艸春自愛安閒忘寂寞
天將強健報清貧枯桐已爨寧求識弊帚當捐却自珍
桑苧家風君勿笑它年猶得作茶神

小園花盛開

厭住愁城從醉鄉春風也肯到山房鴨頭綠漲池平岸
猩血紅深杏出牆淡薄相遭心已嬾修行無力夢猶狂
更嗟著句多塵思慙愧溪藤似截肪

出遊歸臥得雜詩

江天缺月西南落村路寒雞一再鳴自笑此身羈旅慣
野橋孤店每關情

又

江村何處小茅茨紅杏青蒲雨過時半幅生綃大年畫
一聯新句少游詩

又

眼明未了觀山債力在猶能涉水行莫笑軒然誇老健
身存終勝得浮名

又

壯歲經春在醉鄉老來數酌不禁當正須獨倚蒲團坐
領略明窗半篆香

又

兒扶行飯出柴扉
偃僂方嗟氣力微
道側偶逢耘麥叟
倚鋤閒話兩忘歸

又

久讀僊經學養形
未容便應少微星
一枝新鍛金雅觥
更向名山斲茯苓

又

薺花如雪滿中庭
乍出芭蕉一寸青
老子掩關常謝客

短蓑鋤菜伴園丁

又

晚交數子多才傑
誰肯頻來寂寞鄉
但寄好詩三四幅
絕勝笑憶千場

感舊

自蜀還吳會
先憑劒換牛
掃除狂習氣
謝絕醉朋儔
去死時猶遠
餘生已覺浮
卽今真憊矣
閉戶尚何求

寄龔立道

龔子吳中第一流老農何幸接英遊
難逢正似玉杵臼
易散便成風馬牛
清夜話端思滾滾
莫年心事恐悠悠
何由喚得閭門櫂
一醉千崑萬壑秋

寓歎

五福惟無富嗟予得已多
禪房時託宿酒市每酣歌
詩瘦慵看鏡棋麈恐爛柯
殘年猶有幾切莫負漁蓑

春晚

客夢初回夜漏殘
東村想見杏花繁
未能便逐啼鴉起

自掩屏風護曉寒

又

湖上春寒雁已歸
宿醒殘夢兩依依
也知晨起元無事
窗白爐紅且攬衣

幽事

跌宕人間歲月遷
賞心幽事故依然
潮通支浦漁舟活
露溼繁花醉帽偏
才盡賦詩愁壓倒
氣衰對奕怯饒先
光陰風月空如昨
悵望蘭亭祓禊年

又

塵抱年來盡掃空柴門幽事與誰同水生初漲一溪綠

花落已浮千點紅愁賴索泉存舊法

予家釀用岐下索泉麴法

困憑

顧渚策新功故人岷下無消息尺素憑誰寄斷鴻

謂張季長

讀李杜詩

濯錦滄浪客青蓮澹蕩人才名塞天地身世老風塵士

固難推挽人誰不賤貧明窗數編在長與物華新

煙波卽事

短髮垂肩不裹巾世人誰識此翁真阻風江浦詩成東
賣藥山城醉過春

又

煙波深處臥孤篷宿酒醒時聞斷鴻最是平生會心事
蘆花千頃月明中

又

家浮野艇無常處身是閒人不屬官但有濁醪吾事足
浮名不作一錢看

又

落雁沙邊艇子斜
分明清夢上三巴
眼明一點炊煙起
不是漁家卽酒家

又

雕胡炊飯芰荷衣
水退浮萍尚半扉
莫為風波羨平地
人間處處是危機

又

夢筆橋邊聽午鐘
無窮煙水似吳淞
前年送客曾來此

惟有山僧認得儂

又

浪迹人間數十年

紹興間自剡中入天台始有放浪山水之興

年年散髮醉

江天岳陽樓上留三日聊與瀟湘結後緣

又

煙水蒼茫絕四鄰幽棲無地著纖塵蕭條雞犬楓林下
似是無懷太古民

又

歸老何須乞鏡湖
秋來日日飽蓴鱸
正令霖雨稱賢佐
未及煙波號釣徒

又

父子團圞到死時
漁家可樂更何疑
高丈大策人皆有
且聽煙波十絕詩

茅舍

茅舍晨雞復暝鴉
莫年別自是生涯
貪眠久已遺人事
對酒猶能惜物華
出有兒孫持几杖
歸從鄰曲話桑麻

日長亦莫憎春困小竈何妨自煮茶

子適入城三宿而歸獨坐悽然示以此篇

吾兒早自立所懼非飢寒我歸自僊蓬再疏請挂冠明
恩華其行汝亟忝一官得祿寧甚遠懼違菽水歡我年
且九十亦覺去汝難生死要相守豈憚聯征鞍但恐老
益衰千里愁關山官期猶累歲言之已辛酸村醪瀉盜
盆山果亦滿盤春風吹桃李一笑且團樂

莫春新路至湖上示元敏

時雨作未成蒸溽思出門湖塘直東西行人各歸村翻
翻鳥投林杳杳鐘鳴昏羊牛爭迓路煙火出短垣吾兒
望未到誰與共盤飧幽獨多惻愴且復攜斯孫歸來蓬
窗下聊可與晤言

閔雨

臘雪不濡土春風吹早塵東吳貴粳稻布種當及晨千
里方囂囂坐視膏澤屯民孽實自作所賴天公仁何時
見秋穫如山築高囷

春和初遷坐堂中

九月天始霜澤中多烈風東廂尋丈地聊以安我躬
新炭南山來地爐晨莫紅二月春始和如蟲思奮蟄
艸堂雖褊小門戶隨事葺闕窗對小山峰嶂爭業岌
筆硯陳橫几圖書羅矮牀頽頽燕雀聲左右蘭茝芳
有時苦頑痺杖藜寄相羊折花與弄水自適亦何常

春晴暄甚花開略無餘矣賦以寓感

常年看花時輒苦風雨厄今年獨異此遊人滿阡陌
翩

翩出聯騎往往醉墮幘轉盼桃杏空遂見辛夷坼海棠
尤可念不耐暖日炙臙脂成白雪其意亦自惜曾未淹
旬時春事欲掃迹安得愛花心堅頑如鐵石

春晚

南陌東阡自在身黃塵不污接羅巾無方可染星星鬢
有酒能留盎盎春下豉已添尊菜美啣泥又見燕巢新
作公何益辛毗事且是人間九十人

春陰溪上小軒作

午醉初醒倚釣軒悠然無與共清言風微僅足吹花片
雨細纔能見水痕杳杳暝鐘浮遠浦離離煙樹識孤村
故人萬里岷山下安得書來慰斷魂

此遣書問張季長
消息於都下未報

散策至湖上民家

曳杖翩然入莽蒼人間有此白雲鄉風傳高樹珍禽語
露溼幽叢藥艸香農事正看春水白客途漸愛午陰涼
餘年且就無羈束社鼓萋萋樂未央

枕上聞雨聲

小雨蘆纖不濡土忽聞簷溜喜無窮斷知不作西山餓
多稼如雲在眼中

聞里中有鬪者作此示之

老翁無所長惟是更事多生世與人處烏可傷至和秋
毫不能忍平地尋干戈唾面聽自乾彼忿自消磨鄉鄰
皆世舊何至誓弗過勗哉養子壽它年住雞窠

春寒

漁艇水流去柴門風自開餘寒為醉地多病作慵媒莎

艸鋤還出鷗羣去復來流年殊袞袞殘鬢不禁催

石帆山下

久矣移家住鹿門偶然信腳到桃源尚嫌名挂東林社
那問塵生北海樽才盡極知詩艸艸睡多常覺氣昏昏
舊聞福地多靈藥安得高人與細論

餘寒

漠漠餘寒透客衣江村倍覺失春期
頽頽燕比常年晚
開落花爭數日遲

自九里平水至雲門陶山歷龍瑞禹祠而歸凡四

日

桐帽純裘擁半酣肩輿輾轉城南牛過野水將新犢
女采柔桑起稚蠶遺老年光垂九十故鄉春事及重三
種花築室知難辦偕地猶能結艸菴

又

細雨如絲映晚暉店家小憩換征衣春農耕罷負犁去
村社祭餘懷肉歸黃犢自依殘照臥白鷗爭傍小灘飛

道邊舊識凋零盡誰記遼天老令威

又

老子無心老尚狂山程隨處寄張張雲歸岫穴初收雨
水入陂塘正下秧野客就林煨燕筍蠶家負籠采雞桑
遠遊萬里知何樂却喜東歸住故鄉

又

老子山行肯遽回直穿犂确上崔嵬未誇腳力如平昔
且喜眉頭得暫開廟後故梁龍化去山前遺箭鶴銜來

囊錢已盡君無笑
艸艸猶能把一杯

又

我來恰值暮春初
晝漏微長小雨餘
苔蝕秦碑亡舊刻
龍歸禹穴護遺書
燕窠已壘泥猶溼
花片雖殘葉尚疎
到處不妨俱可樂
詩人為底愛吾廬

又

輿似雞栖寄兩竿
山程三月尚春寒
麥苗吐穗初成實
梅子生仁已帶酸
買飯猶勝乞墦客
看耕偕學勸農官

還家莫道虛懷袖
筍蕨隨宜亦滿槃

又

點點桃花糝綠苔
入門倚杖意悠哉
數聲茶飯齊初散
一片溪雲雨欲來
老宿龍鍾嗟獨在
高松磊砢憶新栽
世間萬事俱難料
未死重遊更幾回

又

我行隨處叩巖扉
覓得生薪旋燎衣
道士已騎鸞鶴去
山僧初自水雲歸
甌頭酒壓松肪熟
盤裏蔬供藥永肥

老覺論心須世外溪陰回首尚依依

龍瑞馮道士二月
逝去餘慶澤菴

主自天童歸

亦二月也

春早得雨

春早得甘澍村鄰喜欲狂天公終老手處處出新秧

又

稻陂方渴雨蠶箔却憂寒更有難知處朱門惜牡丹

春晚

窗戶迎新燕階除集乳鴉欲知春已莫地上亦無花

又

思與春為別，忽忽置一樽。明年尚強健，扶杖候柴門。

春晚南堂晨起

秋風樹瘦勁，春露葉扶疎。夙興立堂上，短髮未暇梳。高謝世俗撓，遊於物之初。青黃災斷木，三四調羣狙。長生豈有巧，要令方寸虛。今年幸差健，小雨聊荷鋤。

又

春陽染柳條，春風落花片。化工本無心，誰與催漏箭。俯

仰財幾時梁間有雛燕人亦隨物遷蒼然鏡中面要當
心鐵石先登酣百戰我豈兒女哉秋風感團扇

見鵲補巢戲作

臥看銜枝鵲補巢方知此老嬾堪嘲山村四十餘年住
未省曾添一把茅

予素不工書故硯筆墨皆取具而已作詩自嘲

我替生兵間淮洛靡安宅統髦入小學童升聚十百先
生依靈肘教以兔園冊僅能記姓名筆硯固不擇竈煤

磨斷瓦荻管隨手畫稍長遊名場麤若分菽麥偶窺文
房譜雖慕無由獲筆惟可把握墨取黑非白硯得石卽
已殆可供擣帛從渠膏梁子竊視笑啞啞

春晚卽事

桑麻夾道蔽行人桃李隨風旋作塵煜煜紅燈迎婦擔
鑿鑿畫鼓祭蠶神

又

小時抵死願春留老大逢春去卽休今歲禹祠纔一到

安能分日作遨遊

分日作遨遊
王摩詰詩也

又

漁村樵市過殘春
八十三年老病身
殘虜遊魂苗渴雨
杜門憂國復憂民

又

龍骨車鳴水入塘
雨來猶可望豐穰
老農愛犢行泥緩
幼婦憂蠶采葉忙

懷筓

高皇布網收鳳麟我得定交猶數人
陳山清真王逸少
李石風流賀季真

書感

一是端能服萬人施行自足掃邊塵
南州不可無高士
東國何妨有逐臣

夜中獨步庭下

山月明如畫江風冷偕秋衰遲亦可歎
幽獨自成愁斗
柄垂江渚笳聲下戍樓我惟詩思在從此亦宜休

劔南詩橐卷七十

欽定四庫全書

劔南詩藁卷七十一

宋 陸游 撰

憶昔

憶昔紹興中束帶陪衆彥沐浴雨露私艸木盡蔥蒨一朝窮達異相遇忘慶唁遠官楚蜀間寂寞返鄉縣于時同舍郎貴者至鼎鉉數奇益自屏袒褐失貧賤俯仰五十載未媿金百鍊忍飢菰蘆間生理僅如綫窮交誰耐

久晨莫一破硯歌楓林下萬事付露電惟有孤舟興
所至多勝踐衡茅無定止何處非郵傳炊煙起沙際跳
魚裂波面嘔啞緯車鳴隱翳漁火見簫鼓樂水神鐘梵
鬧竹院我詩雖日衰得句尚悲健巍巍闕里門未嘗棄
狂狷放浪終餘年造物不汝譴

雜詠

仕困風波歸可樂生如疣贅死何悲極知此手終無巧
那得隨人儘作癡

又

鏡中顏狀年年改海內交朋日日疎
一慟寢門生意盡

從今無復季長書

近聞張季長物故

又

女郎花樹新移種官長梅園亦探租
作畫人間兒戲事

誰知空橐一錢無

鄉人謂楊梅止曰梅官長其高品也

又

一日日窮窮不醒一年年老老如期
黃河却有逢清日

白髮應無返黑時

又

世間萬事本悠悠自古詩人易白頭
莫羨老夫垂九十
一年添得一年愁

又

夸士騎牛著鐵冠往來城市擁途觀
爭如老子無奇怪
惟是蓑衣伴釣竿

又

家園菜肥忘肉食村場酒美勝官壺終年醉飽無憂責
莫怪愚公老不枯

又

官途所至尚偷閒何況湖邊晝掩關未愛好風吹醉袖
且貪微雨養盆山

又

斜風吹雨晚空濛獨立溪邊兩鬢蓬便過此生何所恨
百年強半水雲中

又

病起清臞不自持
紗巾一幅倚筇枝
水沈香冷紅蕉晚
恰似道山羣玉時

曉思

莫年多感愴
孤夢久不成
殘燈暗無焰
宿雨滴有聲
食少夜常飢
展轉空腸鳴
老雞雖三號
山窻終未明
默誦舊記書
更覺負平生
披衣搔短髮
壯志浩縱橫

幽居

策府還家又五年心常無事氣常全平生本不營三窟
此日何須直一錢雨霽桑麻皆沃若地偏雞犬亦翛然
閉門便造桃源境不必秦人始是仙

又

橫州無功負主恩一生強半卧衡門蠹書身世元無憾
伏櫪光陰不更論春雨負薪蘭渚市秋風采藥石帆村
更思旋糴場中麥暖熱塵埃老瓦盆

幽居即事

采藥鹿門山釣魚富春渚君看此氣象何止輩伊呂直
令終不偶後人會知汝亦不妨著書世世祕囊褚

又

野寺促晨裝古驛休破橐雖云行役苦客子心獨樂家
山幸歸來未免歎拘縛安得萬里天翩然下孤鶴

又

莫年乞殘骸窮巷事幽屏晨興食一簞有味敵五鼎終
日無再炊奈此夏晝永枯腸不禁攪戒婢罷煮茗

又

小磴落雪花修鯁汲牛乳幽人作茶供爽氣生眉宇年
來不把酒杯榼委塵土卧石聽松風蕭然老桑苧

又

日鑄歲幾何苞苴遍權門野人求其類金填實弟弟超
然高世韻何獨驅睡昏安得如吾宗坐致顧渚園

又

酒能忘事物不過狂醉時麴蘖力能盡萬緒如盎絲阿

堵雅見疎歡伯難與期自憐善用短時誦止酒詩

又

薰艾割蜜房荷鋤掘吳術誰烹彌明鼎來薦維摩室厚
味不腊毒上藥能愈疾今夕風月佳良會不可失

又

古人在山林躬自事樵汲我雖迫耄期勤慎亦在習掃
地拂几硯何處力弗給却笑杜陵翁多卧少行立

又

屏居江海涯杳杳菰蒲深俛仰夏令中澤國正多陰桑
椹熟以紫水鳥時遺音偶得一瓢酒隣里聊相尋

醉歸

夜分飲散酒家壚歸路迢迢月滿湖小豎竊言翁未醉
入門猶記露菖蒲

又

烏桕陰中把酒杯山園處處熟楊梅醉行蹉跎人爭看
蹋盡斜陽蹋月來

書南堂壁

數間破屋住荒郊，暑雨時須自補茅。
多病篇章無傑思，長閑樵牧有新交。
荒唐但向先師媿，骯髒寧辭薄俗嘲。
偶有會心成獨笑，一林春筍放煙梢。

又

心溷元和面合團，愚公骨相却酸寒。
雲山萬疊猶嫌淺，茆屋三間已覺寬。
菜長何妨供小摘，花開聊得助幽歡。
今朝忽有西村興，著起芒鞋不作難。

五月雨

空濛五月雨景氣一番新
換盡園林葉洗空衢路塵
山郵惱行客野渡帶歸人
獨有龜堂叟涼風吹角巾

蠶麥

村村桑暗少桑姑
戶戶麥豐無麥奴
又是一年春事了
縲絲擣麩笑相呼

早至園中

湖上空濛雨熟梅
清晨岸幘一悠哉
幽花不恨艸埋沒

金華集卷之十一
蜜樹豈知禽去來舊為愛茶分水器近緣炊爨得琴材
小丘僅見山如髻尚媿韓公八尺臺

憶雲門諸寺

三百六十日安可日日愁四百八十寺要湏寺寺遊雲
門若耶間到處可淹留金像閣古殿霜鐘發重樓臨澗
見魚躍穿林聞鹿鳴亦有疎豁處白鷺下綠疇僧固非
盡佳終勝從公侯夜闌煎蜜湯豈不賢盃甌澤居厭溽
暑慨思風露秋晴雨俱可人亦莫占鳴鳩

贛士曾興宗字光祖以其居篋簞谷圖來求詩

高人心虛萬物宗家世常以仕易農買山本愛坡上竹
手種已偃巖前松瀑泉三伏凜冰雪谷聲十里酣笙鏞
了知自是一丘壑不與金精為附庸

地與金精山
青牛峽為隣

以菜茹飲酒自嘲

山澤有臞儒殘年病滿軀拙疎難救藥貧困不枝梧海
客留苔脯山僧餉筍枯

筍枯出
仗錫山

衰顏得村酒猶解顰時

朱

五月二十一日風雨大作

風雨縱橫夜徹明
湏臾更覺勢如傾
出門已絕近村路
對面不聞高語聲
銜舳江關多蜀估
宿師淮浦飽吳粳

老民願忍湏臾死
傳檄方聞下百城

蜀盜已平
淮獮胡敵亦
逝去

寄題枯蒼陳伯予主簿平楚亭

琵琶洲上莫山奇
五十餘年役夢思
與子定交雖可樂
念身垂老亦成悲
遠遊倦似風枝鵲
愁思多於繭盡絲
安得往尋平楚約
一樽相屬醉題詩

即事

歸卧已如孤首丘不妨解劍換吳牛掃空身外閒榮辱
閱盡樽前舊輩流學道漫希僧坐夏憂時常媿士防秋
一年歷日開強半歎息人間歲月道

梅雨初霽

梅雨忽已過松風來颯然吟多錦囊富影瘦角巾偏客
祝加餐飯兒憂少睡眠哀骸累人久撫事感餘年

夏日雜題

東吳五月黃梅雨南浦孤舟白髮翁貂插朝冠金絡馬
多年不入夢魂中

又

午夢初回理舊琴竹爐重炷海南沈茅簷三日蕭蕭雨
又展芭蕉數尺陰

又

新縫細葛作蟲裯簟展風漪凜欲秋啼鳥一聲呼夢斷
依然書卷在牀頭

又

簷前桐影偏宜夏
葉底蟬聲漸報秋
莫道衰翁怯風露
也能覓醉水邊樓

又

渚蒲經雨送微馨
野鶴凌風有墮翎
歸入衡門天薄莫
清溝淺浸兩三星

又

一葉兩葉病木實
一點兩點疎螢流水底
星河秋脉脉

髮根風露夜颼颼

晚興

地荒蓬藿與人齊
局促何曾厭屋低
村市船歸聞犬吠
寺樓鐘暝送鴉栖
山童新斫朱藤杖
僮婢能醺白苣齏
政欲出門尋酒伴
霏霏小雨又成泥

急雨

蝸廬四壁僅容身
赫赫炎曦不貸人
正喜風清三伏暑
已看雨壓九衢塵
寒泉不減中濡味
貢茗初嘗正焙新

安得凌空雙健羽徑隨猿鶴上嶙峋

聽雨

老態龍鐘疾未平更堪俗事敗幽情
紗幮笛簞差堪樂且聽蕭蕭暮雨聲

窮居戲詠

賦分雖云薄謀生亦自疎但令書有種敢恨食無餘
身病慵行立庭荒廢掃除寒溫雖泛禮猶辱問何如

旬日連得

二三故人書

讀窮居五字慨然有感復作一首自解

布褐營身足茅茨置榻寬食非依漂母菜不仰園官小
蹇鞍韉黑羸僮骨相酸丹青能寫此千載尚傳觀

蒙恩封渭南縣伯因刻渭南伯印

旋著朝衫拜九天榮光夜半屬星躔渭南且作詩人伴
敢望移封向酒泉

唐詩人趙嘏為渭南
尉時謂之趙渭南

題門壁

四十年來住此村勝衣拜起有曾孫市廬分熟客賒酒

鄰舍情親每饋餐居似窮邊荒馬驛身如深谷老桑門
幸知歲惡緣陂廢安得農官與細論

負郭及近縣
頗有惠水處

雨霽

雨霽禽魚樂風生艸木香老驚時易失閒覺日偏長閣
閣盡何怒翩翩蝶許忙閉門真得計切勿變軒昂

西村晚歸

小塢花垂盡平堤艸次迷日長鶯語久風定絮飛低子
響聞碁院舟橫傍釣溪歸途不知處依約埭東西

連日雲興氣濁雨意欲成西南風輒大作比夜月

明如畫

鳩自呼鳴蚓自歌

二者鄉人以爲雨候

何時甘澍一滂沱封姨漫

妬陽臺夢却付長空與素娥

考古

考古無長晝憂時少熟眠偷生迫鐘漏戰死媿兜韃莫
報乾坤施空驚歲月遷藜羹安用糝吾事本蕭然

殘春無幾述意

試筆書盈紙烹茶睡解圍新蔬供冷麵熟練製單衣雛
燕飛初穩殘花見漸稀年衰學不進默默訟吾非

又

衰疾來無已流年過若馳家貧食易美身老夢常悲
長增蛙怒花空失蝶期不堪多難日更賦送春詩

南堂晨坐

鏡湖清絕似瀟湘晨起焚香坐艸堂日暖遊絲垂百尺
花殘新蜜釀千房綠桑糝箔開蠶食白水翻車浸稻秧

莫道村翁殺風景也能沽酒當年光

記悔

我悔不學農力耕泥水中二月始穡事十月畢農功我
悔不學醫早讀黃帝書名方手自緝上藥如山儲不然
去從戎白首捍寒壖最下作巫祝為國祈豐年猶勝業
文辭志在斗升祿一朝陪衆雋所望亦已足豈知賦命
薄平地成怨仇生為馬伏櫪死為孤首丘已矣何所悲
但悔始謀錯賦詩置座傍聊以志吾忤

東園晚興

宿葉自脫新葉生東園忽已清陰成老夫東行復西行
烏藤瘦勁青鞵輕竹雞羣號似知雨鵲鳩相喚還疑晴
萋萋幽草上牆綠瀼瀼細水循堦鳴蕭然濯手坐盤石
心地平安體紓適青山缺處紅日沈杳杳長空送歸翮
晨起行園中

晨日未出林庭戶有爽氣僮奴課薪水老子自擁簪
陂方閔雨艸木亦頗顚羣蛙汝何心尚復作鼓吹

雷雨

雲昏失南山雷過撼北戶天其哀此民界以三日雨未
言高下足十已得四五雨勢殊未足喜色徧農圃稽手
謁龍公願言終有秋民飢不敢辭懼貽明主憂

戲書燕几

平生萬事付天公白首山林不厭窮一枕鳥聲殘夢裏
半窗花影獨吟中柴荆日晚猶深閉煙火年來只僅通
水品茶經常在手前身疑是竟陵翁

又

飽知此手合鋤犁
剗喜東歸老故栖
僧乞新詩題院壁
人扶半醉下樓梯
少通朝籍讒銷骨
晚畏京塵悔噬臍
尚有遠遊心未死
夢攜猿鶴渡敷溪

喜雨

一雨洗旱塵
吾廬氣疎豁
土潤竹萌出
水長魚舟活
桑麻鬱千里
夾道光如潑
憑高望歸雲
更覺原野闊
沈憂寬旅食
分喜到僧鉢
但仰皇天慈
不必尤旱魃

閑適

閉門萬事不相關飽受人間一味閒
琴薦潤生諳雨至衣篝香冷歎春殘
早曾寄傲風煙表晚尚鍾情水石間
小市酒旗能喚客試尋隣曲共開顏

早晴

老病常貪睡蕭蕭厭雨聲
翩然兩烏鵲為我報新晴

剪牡丹感懷

雨聲點滴漏聲殘
裋褐猶如二月寒
閉戶自憐今伏老

聯鞍誰記舊追歡欲持藤榼沽春碧自傍朱欄剪牡丹
不為挂冠方寂寞宦遊強半是祠官

偶觀舊詩書歎

吾道運無積何至墮畦畛醯雞舞甕天乃復自拘窘外
物豈移人子顧不少忍鶴井與狐妖正可付一哂繁華
夢境開零亂空花實可憐慙書生尚學居易禎我昔亦
未免吟哦琢肝腎落筆過白雨聚橐森束筍幸能悟差
早念念常自憫安得從碩儒稽首謝不敏

聞蜀盜已平獻馘廟社喜而有述

北伐西征盡聖謨天聲萬里慰來蘇橫戈已見吞封豕
徒手何難取短狐學士誰陳平蔡雅將軍方上取燕圖
老生自憫歸耕久無地能捐六尺軀

晚雨

萬里雙芒履終年一布裘病侵消壯志醉著失閒愁琴
料憑僧問巢居與鶴謀晚來疎雨過探借北窻秋

雨晴

早曠常思雨沈陰却喜晴放船蓮蕩遠岸幘竹風清淮
浦戎初遁興州盜甫平為邦要持重恐復議消兵

起晚自嘲

辛苦一生何所獲老向東阡與南陌頭眩眼暗牙齒疎
能作人間幾時客爾來偷惰更可笑卧聽場中打新麥
老雞失旦也似儂引頸一呼憲已白

閒中偶詠

斷編殘藁本徒勞橫得虛名亦已叨不識狐書那是博

尚分鶴料敢言高巢山且欲營丹竈跨海何能看雪濤
與世不諧終自許笑人苦勸學餉糟

又

舉世紛紛名利間天公偏賦此身閒塵衣濯罷滄浪水
茅舍歸來會計山鄰舍擎盤分麥飯野人曳杖叩柴關
酒逋詩債何時了未死何妨且旋還

晚步湖塘少休民家

瓜蔓緣籬竹蘆芽刺岸沙橫陂浮雁鷺古道暗桑麻適

遇扶犁叟同休織履家村童亦可念喚客手吒义

獨酌罷夜坐

不見麴生久惠然相與娛安能論斗石僅可具盤盂聽
雨蒙僧衲挑燈擁地爐勿生孤寂念道伴有狸奴

雨中出門閒望有作

急雨初來已瀉簷清香欲散更穿簾年開九秩尚不死
坐對一編殊未饜人笑黥癡俱得半自憐貧病每相兼
說梅古謂能蠲渴戲出街頭望酒帘

示二子

豈不懷榮畏友朋一生凜凜蹈春氷任真雖笑拘邊幅
達節寧容出準繩自喜殘年如白傳更憐諸子慕崔丞
耄期尚有江湖興頑健人言見未曾

時子龍調官東陽丞子坦調彭澤丞

道室秋夜

江上窮秋日菴中獨夜時丹靈啟豎子神定出嬰兒梁
熟猶餘夢柯摧未畢棊神仙元可學往矣不須疑

又

道室生虛白仙經寫硬黃
晨杯擎石髓夜几照松肪
眼力新生攢心源百鍊鋼
何當登日觀萬里看扶桑

醉題

雲棲澗飲未為高起舞行歌亦足豪
試問食時觀本州何如酒後讀離騷
遊山不待飛雙舄翦水無因得快刀
熟睡市壚君勿笑年來隨事學餽糟

自詠

忽忽殘年及耄期清晨對鏡不須悲
遠行久立雖差倦

未到人扶見客時

又

食飲從來戒失時
衣裘亦復要隨宜
老人最索調停處
正在初寒與半飢

秋晴

身健心閒百慮輕
秋晴未必減春晴
晨窻暖日烘花氣
午枕微風送鳥聲
韞玉硯凹宜墨色
冷金牋滑助詩情
少年風味嗟猶在
虛道歸休學力耕

門外獨望

離離遠樹傍煙津又見清秋一歲新老眼厭看南北路
流年暗換往來人鑄金遺像誰能記執玉來朝適已陳
況我風中斷蓬耳夕陽空復一傷神

貧歌

壽居福之首貧為士之常造物賦我貧乃以壽見償處
常而受福每恐不得當掬澗以沃渴屑栢以為糧雖云
未免飢何至死道傍猶勝遼東丁化鶴還故鄉

秋晚雜興

汀樹猶青未著霜
壠間稗穗已先黃
放翁皓首歸民籍
爛醉狂歌坐簟牀

又

昔遇高皇起衆材
姓名曾得廁鄒枚
年踰八十猶賒死
却伴隣翁斲芋魁

又

老病侵凌不可當
時時攬鏡自悲傷
西風吹散朝來酒

依舊衰顏似葉黃

又

冷落秋風把酒杯
半酣直欲挽春回
今年菰菜嘗新晚
正與鱸魚一併來

又

置酒何由辦
咄嗟清言深媿淡
生涯聊將橫浦紅
絲磴
自作蒙山紫筍茶

鄉老舊謂碾磨茶為作茶

又

洗耳高人恥見堯看渠應不受弓招精神徇物那能久
刀礪君看日日銷

又

石帆山下醉清秋常伴漁翁弄小舟箬笠照溪吾自喜
貂蟬誰管出兜鍪

又

煙波萬頃鏡湖秋清嘯雖聞不可求自是世間知者少

山林何代乏巢由

隱者

又

禹巡吾國三千歲陳迹銷沈渺莽中
豈獨江山無定主

苔磯知換幾漁翁

禹廟

又

江東誰復識重瞳遺廟欹斜艸棘中
若比唧嚶念如意

烏江戰死尚英雄

項羽廟

又

漠漠漁村煙雨中參差蒼檜映丹楓
古來畫手知多少

除却范寬無此工

又

渺渺風煙接小江

即錢清江別名

牛頭山色滿蓬窗門前西走

錢塘地也有閒人似老龐

霜風


霜風近海夜颼颼敢效庸人念褐裘關吏雖通西域貢
王師猶護北平秋黃旗馳奏有三捷金印酬功多列侯
願補顏行身已老區區呔畝亦私憂

贈丐士

志士寧聞畢世窮此間從古混蛇龍
尚能忍恥墻間祭安用追慙飯後鐘

贈目眇者

達人所遇有生涯高卧窮閭自一家
閱世正嫌巖下電開樽且看霧中花



劍南詩集卷七十一